



REPUBLIKA E SHQIPËRISË
BASHKIA E TIRANË
AGJENCIA E PARQEVE DHE REKREACIONIT
DREJTORIA E PROKURIMIT PUBLIK

Data 07.10.2025

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

“MATERIALE REKREATIVE PËR REALIZIMIN E AKTIVITETEVE”.

KODI PËRKATËS NË FJALORIN E PËRBASHKËT TË PROKURIMIT (CPV):

34722100-5 Balona

37525000-4 Balona loder dhe topa

VLERA E FONDIT LIMIT:

Përshkrimi i shkurtër i kontratës / Marrëveshjes Kuadër

Fondi limit i procedurës është: 1,611,183 (një milion e gjashtëqind e njëmbëdhjetë mijë e njëqind e tetëdhjetë e tre) lekë pa Tvsh.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor “Agjencia e Parqeve dhe Rekreacionit” ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. *Formularin Përmbledhës të Vetëdeklarimit, sipas shtojcës 9;*

Argumentimi: Kërkesa e mësipërme bazohet në nenet 76 dhe 82 të LPP Nr. 162 datë 23.12.2020, “Për prokurimin publik”, i ndryshuar si dhe nenin 26 të VKM Nr.285, datë 19.05.2021 “Për miratimin e rregullave të prokurimit publik”, me ndryshime, ku mes të tjerave citohet se: “...Autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të LPP. Përmbajtja e këtij formulari përcaktohet në rregullat e prokurimit publik...”

b. *Sigurimin e Ofertës, sipas Shtojcës 3; perkatesisht në vleren 32,223.66 (tridhjetë e dymije e dyqind e njëzetë e tre pikë gjashtëdhjetë e gjashtë)lekë pa tvsh të lëshuar në formën e garancisë bankare ose nga shoqëri sigurimesh të licensuara nga Autoritetet përkatëse.*

Argumentimi: Kërkesat e mësipërme bazohen në nenin 83 të LPP, nenit 30, të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar, ku mes të tjerave citohet se: “...Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël...”

“...Autoriteti/enti kontraktor duhet të specifikojë në dokumentet e tenderit vlerën e sigurimit të ofertës, e cila është sa 2% e vlerës së fondit limit të kontratës ose lotit. 3. Në dokumentet e tenderit duhet të parashikohet një periudhë vlefshmërie, bazuar në kohëzgjatjen e mundshme të procedurës. Sigurimi i ofertës duhet të jetë i vlefshëm gjatë gjithë kësaj periudhe...”.

2. Kandidati/Ofertuesi duhet të dorëzojë:

2.1. Përshtatshmëria për të kryer veprimtarinë profesionale (nëse është e aplikueshme):

2.1.1 Operatori Ekonomik duhet të disponojë certifikatën ISO 9001:2015 ose ekuivalente (e vlefshme) “Sistemet e menaxhimit të cilësisë” e cila të përfshijë objektin e prokurimit (Ne rastet e bashkimit të operatoreve ekonomik, secili operator ekonomik duhet të dorëzojë certifikatën ISO).

2.1.2 Operatori Ekonomik duhet të disponojë certifikatën dhe ISO 14001 ose ekuivalente (e vlefshme) mbi Sistemet e Menaxhimit Mjedisor. (Ne rastet e bashkimit të operatoreve ekonomik, secili operator ekonomik duhet të dorëzojë certifikatën ISO).

Të gjitha certifikatat e mësipërme, duhet të jenë të lëshuara nga organizmat e vlerësimit të konformitetit, të cilët janë të akredituara nga organizmi kombëtar i akreditimit, ose nga organizmat ndërkombëtarë akreditues.

Argumentimi: Kërkesat e cilësisë të përcaktuara sa më sipër janë vendosur në mbështetje të Ligjit Nr. 162/2020 “Për Prokurimin Publik”, Neni 79, pika 1 ku citohet se: “Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikatën të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë”, si dhe ne zbatim të Neni 44, pika 1 dhe pika 3 të VKM Nr. 285, datë 19.05.2021 “Për miratimin e rregullave të prokurimit publik”, ku përcaktohet se: “Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikatën të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit”.

2.2. Kapaciteti ekonomik dhe financiar:

2.2.1 Operatorët ekonomikë duhet të paraqesin vërtetim për xhiron vjetore për vitet financiare (2022, 2023, 2024), ku vlera e xhiros për të paktën një nga vitet e periudhës së kërkuar duhet të jetë **jo më e vogël se 40% vlerës e fondit limit**. Kriteri konsiderohet i përmbushur nëse operatorët ekonomikë arrijnë vlerën e xhiros minimale, sa 40 % vlerës së fondit limit, në të paktën 1 (një) vit të periudhës së kërkuar të viteve financiare.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe në nenin 43, pika 2, germa (c) të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 13 të Ligjit nr. 8438, datë 28.12.1998 "Për tatimin mbi të ardhurat", i ndryshuar, ku përcaktohen kushtet dhe afatet e dorëzimit për Deklaratat individuale vjetore e të

ardhurave, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, VKM-së nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike". Në përcaktimin e vlerës së xhiros autoriteti kontraktor është referuar në pikën 2, gërma (b) të nenit 43, Seksioni III të VKM nr.285, datë 19.05.2021 "Për miratimin e rregullave të prokurimit publik".

*Kërkohej vërtetim për xhiron vjetore për vitet financiare 2022, 2023, 2024, në një vlerë jo më të vogël se 40 % e vlerës së përlllogaritur të kontratës, referuar nenin 43 pika 2/c, të VKM nr. 285, datë 19.05.2021 "Për miratimin e rregullave të prokurimit publik", të ndryshuar, pasi kjo është një procedurë e **Hapur e Thjeshtuar**, dhe i shërben autoritetit kontraktor për njohjen e gjendjes financiare dhe kapaciteteve ekonomike të operatorëve ofertues, se zotërojnë kapacitetet ekonomike dhe financiare për të përmbushur me sukses kontratën siç është parashikuar nga Autoriteti Kontraktor.*

2.2.2 Operatorët ekonomikë duhet të paraqesin kopje të çertifikuara të bilanceve të viteve: (2022, 2023, 2024) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushur nëse në dy bilance të njëpasnjëshme nuk ka raport negative ndërmjet aktivitetit dhe pasivit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 4, të VKM nr. 285, datë 19.05.2021 "Për miratimin e rregullave të prokurimit publik".

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, është bërë bazuar në nenin 29, pika 1 të Ligjit nr. 8438, datë 28.12.1998 "Për tatimin mbi të ardhurat" i ndryshuar si dhe kërkesave të Ligjit nr. 25/2018 "Për kontabilitetin dhe pasqyrat financiare", gjithashtu është kërkuar auditimi ligjor i pasqyrave financiare vjetore, përpara publikimit të tyre, nga ekspertë kontabël ose shoqëri audituese në rastet e parashikuara në nenin 41, pika "c" të Ligjit nr.10091, datë 05.03.2009, "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar" i ndryshuar.

2.2.3 Vërtetim për shlyerjen e taksave vendore të parashikuara nga Pushteti Vendor për vitin 2025 ku të përfshihet kësti për periudhën përkatëse të maturuar sipas përcaktimeve të Ligjit nr. 9632, datë 30.10.2006 "Për sistemin e taksave vendore", i ndryshuar, lëshuar nga Drejtoria e Përgjithshme e Taksave dhe Tarifave Vendore pranë Njesisë së Qeverisjes Vendore ku operatori ekonomik ka selinë.

Kjo kërkesë do të përmbushet nëpërmjet Formularit Përmbledhës të Vetëdeklarimit. Dokumentacioni provues, për shlyerjen e detyrimeve të taksave dhe tarifave vendore, do të dorëzohet vetëm nga Operatori Ekonomik i kualifikuar i pari, përpara publikimit të njoftimit të fituesit dhe nisjes së afateve ankimit, sipas përcaktimeve të bëra në pikën 6, të nenit 26, të VKM nr.285, datë 19.05.2021 "Për miratimin e rregullave të prokurimit publik", i ndryshuar.

Argumentimi: Kërkesa e mësipërme është në përputhje me nenin 76, pika 2, gërma b të LPP si dhe në ligjin nr. 9632, datë 30.10.2006 "Për sistemin e taksave vendore" i ndryshuar, neni 5, pika c, sipas afateve të miratuara të kryerjes së pagesave të përcaktuara nga çdo njësi e qeverisjes vendore për vitin 2024 në të gjitha vendet ku ushtron aktivitet ekonomik sipas të dhënave të QKB-së.

2.3 Kapaciteti teknik:

2.3.1 Dëshmi për furnizime të mëparshme, të ngjashme, me objektin e prokurimit të kryera gjatë tre viteve të fundit nga data e shpalljes së njoftimit të kontratës me vlerë jo më të vogël

se 20% të vlerës së fondit të limit të kësaj kontrate dhe konkretisht: 322,236.6 (treqind e njëzetë e dy mijë e dyqind e tridhjetë e gjashtë pike gjashtë) lekë pa TVSH.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) Kur furnizimi i se njëjtës natyre është realizuar me institucione shtetërore, Operatori ekonomik do ta vërtetojë duke paraqitur Kontratën e nënshkruar me institucionin, të shoqëruar me vërtetimin e lëshuar nga Institucioni shtetëror për realizimin e suksesshëm të kësaj kontrate ku shënohen datat, shumat dhe sasi të mallrave të furnizuara.
- b) Kur furnizimi i se njëjtës natyrë është realizuar me subjekte private Operatori ekonomik do ta vërtetojë këtë duke paraqitur faturat përkatëse tatimore të shitjes, ku shënohen datat, shumat dhe shërbimet e realizuara.

Argumentimi: Kërkesa e mësipërme është përcaktuar bazuar në nenin 77 të Ligjit nr.162/2020, datë 23.12.2020 “Për prokurimin publik” dhe në rastin e procedurave të thjeshtuara në nenin 55, pika 4/b, të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës për kontratat e ngjashme është përcaktuar referuar bazës ligjore sa më sipërcituar dhe vlerës së përlogarit të kontratës që prokurohet. Referuar sa më sipër dhe me qëllim njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë, përvojën e duhur në funksion të realizimit me sukses të kontratës autoriteti kontraktor ka përcaktuar vlerën për kontratat e ngjashme.

2.3.2 “Firma kontraktuese” t’i garantojë “Autoritetit Kontraktor” se materialet janë të reja, të papërdorura dhe sipas sasisë dhe specifikave teknike të përshkruara dhe përputhen në çdo aspekt me kërkesat dhe rregullat e kërkuara dhe parashikuara për pajisje të tilla.

2.3.3 Produktet nuk duhet të kenë elementë toksikë, të thahen shpejt dhe mos të kenë aromë të forte gjatë përdorimit si: Bojëra akrilik me ngjyra të ndryshme, Dengje kashte, solucion ngjites didaktik.

Argumentimi: Kjo kërkesë është vendosur sipas përcaktimit të bërë në mbështetje të Ligjit Nr. 162, datë 23.12.2020 “Për prokurimin publik”, i ndryshuar, Neni 77, pika 1 gërma “c” si dhetë neni 40 pika 8, të VKM-së nr. 285, datë 19.05.2021 “Për miratimin e Rregullave të Prokurimit Publik”, i ndryshuar kërkohet që operatorët ekonomikë të marrin përsipër transportin e mallrave objekt prokurimi deri në magazinën e blerësit në përputhje me kushtet e lëvrimin të mallit.

II. Argumentimi i specifikimeve teknike

Specifikimet teknike janë hartuar duke u bazuar në parametrat e lejuara dhe sipas standardeve në fuqi, të cilat përmbushin kërkesat dhe nevojat e AK. Specifikimet teknike për artikullin e kërkuar vazo lulesh, përshkruajnë tërësinë e elementëve më të rëndësishëm përbërës, që garantojnë cilësinë e kërkuar dhe që i vlerëson mallrat si të pranueshme për funksionet e kërkuara, në përputhje me parashikimet e ligjit nr.162, datë 23.12.2020 “Për prokurimin publik” (neni 36), dhe VKM nr.285, datë 19.05.2021 “Për miratimin e rregullave të prokurimit publik” (neni 40 pika 2).

Specifikimi i Materialeve:

- Artikulli **Nr.1 Trofe (kupa) me përmasa të mëdha**
Trofe metalik me ngjyrë ari. Me përmasë të mëdha. Ideal për aktivitete sportive midis ekipeve amatore.
- Artikulli **Nr.2 Kavalet i qëndrueshëm me trekëmbësh, lartësia totale 175cm**

Kavaleta shërben për mbajtjen e telajove dhe pikturave të ndryshme. Material i lehtë dhe praktik në montim dhe transport.

- **Artikulli Nr.3 Mjet për fryrjen manual të tullumbaceve**
Mjet për fryrjen e tullumbaceve. Material cilësor dhe rezistent. Dizajn kompakt dhe praktik. E lehtë për t'u përdorur.
- **Artikulli Nr.4 Kosha Basketbolli**
Kosha basketbolli (rrjetë). Vendoset lehtësisht në unazat standarde të basketbollit dhe mund të përdoret për aktivitete outdoor; Dimensionet: 3,94 x 1,97 x 3,94 inç
- **Artikulli Nr.5 Rrjeta Volejboli**
Dimensionet 950cm x 100cm; përbërja me fije najloni me qeliza katrore 10 x10 cm, trashësia e fijeve deri në 2-3 mm.
- **Artikulli Nr.6 Set raketa ping pong-u**
Seti duhet të përmbajë 2 raketa dhe tre topa. Raketa material druri me veshje gome me përmasa 25x22x15 cm, në formë ovale. Topat me material celuloid që nuk deformohen lehtë.
- **Artikulli Nr.7 Tabelë Shahu**
Material druri cilësor, e hapur me përmasa 40x40 cm, portabël. Gurët e shahut material druri
- **Artikulli Nr.8 Platformë për aktivitete me ping pong në natyrë**
Platforma e hapur me përmasa 274 x 152.5 x 76 cm, trashësi 20 mm, me këmbë të rregullueshme dhe rrota. Struktura ku mbështetet të jetë çelik, me katër rrota dhe me këmbë në formë cilindri me diametër jo më të vogël se 40mm dhe të rregullueshme edhe për ambient jo të sheshtë; trashësia e platformës deri në 20 mm, material MDF; Rrjeta ndarëse prej najloni të gërshetuar që është i fortë dhe rezistent ndaj goditjeve.
- **Artikulli Nr.9 Top futboll**
Që fryhet lehtë me anë të valvulës së sigurisë. Mban presion ajri nga 7 deri në 9 psi. Ka madhësi universale 6.
- **Artikulli Nr.10 Top basketbolli**
Fryhet lehtë me anë të valvulës së sigurisë, mban presion ajri nga 7 deri në 9 psi, ka madhësi universale 6.
- **Artikulli Nr.11 Top volejboli**
Fryhet me lehtësi me anë të valvulës së sigurisë. Mban presion ajri nga 7 deri në 9 psi. Ka madhësi universale 6.
- **Artikulli Nr.12 Vargje me drita outdoor me njësi 10m/linear**
Kabëll në formë varg me drita, me llamba ndriçim LED i cili nuk nxehet gjatë përdorimit dhe është rezistent për përdorim outdoor. Gjatësi 10 metër e vargut dhe distanca mes llambave 50cm. Të shoqërohet me aksesore për lidhje në seri dhe paralel.
- **Artikulli Nr.13 Mjet prerës për letër 24cm**
Mjet prerës, gërshërë me përmasa 24 cm, prerëse material inoks dhe mbajtëse plasike.
- **Artikulli Nr.14 Shirit Sinjalizues 80mm x 200m**
Ngjyrë e kuqe me të bardhë, material plastik, rezistent.
- **Artikulli Nr.15 Abazhur letre oval, 40cm.** Ngjyrë e bardhë.



- Artikulli **Nr.16 Medaljon për vendin e parë**
Material alumin, me derdhje, diametër 35mm - 40 mm, me 1 unazë diam.3mm
- Artikulli **Nr.17 Bojë pluhur për vijëzim**
- Artikulli **Nr.18 Ngjyruer akrilik me ngjyra të ndryshme, ambalazh 500 ml**
Ngjyra të ndryshme akrilike të përshtatshme për pikturim dhe lyerje; me paketim shishe plastike 500ml, të cilat thahen shpejt, janë kundra ujit dhe shumë të qëndrueshme.
- Artikulli **Nr.19 Bobinë Pe Lini, 100gr**
Materiali lin, trashësia 3mm.
- Artikulli **Nr.20 Solucion ngjitës didaktik, ambalazh 500gr**
Ngjitës vinovil i lëngshëm, me përmbajtje aceto-vinili, pa përbërës të dëmshëm apo toksikë për lëkurën, në ngjyrë të bardhë. Paketimi prej materiali plastik lejon aplikimin e ngjitësit edhe në sipërfaqe të vogla dhe nuk lejon që ngjitësi të thahet.
- Artikulli **Nr.21 Shirit ngjitës didaktik transparent**
Cilësia I-rë, 4 cm gjerësi ngjitjeje.
- Artikulli **Nr.22 Telajo (50 cm x 70 cm)**
E përshtatshme për bojëra akrilike ose vaji, material pambuk.
- Artikulli **Nr.23 Arka druri 60 cm x 40 cm**
- Artikulli **Nr.24 Paleta druri (100 cm x 120 cm)**



- Artikulli **Nr.25 Set Akwarele uji, paletë 12 ngjyra**
Kuti plastike me 12 ngjyra të thata të cilat lagen me ujë për të pikturuar.
- Artikulli **Nr.26 Spray për ngjyrosje**, për sipërfaqe të ndryshme, paketim 400 ml.
- Artikulli **Nr.27 Struktura ulëse për aktivitete outdoor, (me sipërfaqe suprinë 1m x 0.5m dhe lartësi nga toka 40 cm; material druri)**. Tavolina didaktike të ulëta për aktivitete outdoor (me sipërfaqe suprinë 1m x 0.5m dhe lartësi nga toka 40 cm; material druri. Material druri rezistent, struktura duhet të ketë mbështetje të sigurt në tokë dhe këmbët të jenë të përforcuara, në lidhje me njëra - tjetrën.
- Artikulli **Nr.28 Set për lojra outdoor** (kone me ngjyra, unaza me ngjyra, pako material pëlhurë për lojra me hedhje)



- Artikulli **Nr.29 Litar për lojra me tërheqje**, diametri 30 mm
- Artikulli **Nr.30 Dengje me kashtë**
- Artikulli **Nr.31 Qylyma (shtroje me thurje) outdoor për ulje (70cm x 100 cm).**
Tapet shumëngjyrësh me thurje, material pambuk, i përshtatshëm për ambient outdoor.



- Artikulli **Nr.32 Aparaturë për fryrjen e strukturave rekreative outdoor**
Produkti të ketë zhurmë të ulët, vëllim të madh ajri, presion të lartë të erës, peshë të lehtë, instalim të lehtë, të sigurt dhe të besueshëm. AC 220-240V, 50Hz, 8A, 1500W dhe të shoqërohet me kablllo zgjatues.
- Artikulli **Nr.33 Argjilë për modelim ngjyrë e bardhë, paketim 500gr**
Mund të punohet me duar ose për të veshur materiale të ndryshme (tel, dru.). Të thahet natyrshëm në ajër për 24 orë, duke mos pasur nevojë të punohet me furra në temperatura të larta.
- Artikulli **Nr.34 Shporta me thurje kashte**



- Artikulli **Nr.35 Pupa outdoor**, material poliester kundër ujit, mbushje polisteroli, turkuaz, me përmasa 50x50x H30cm.
- Artikulli **Nr.36 Gazebo**, metalike/poliester që nuk e depërton ujin, **ngjyrë e bardhë**, e hapur me përmasa 3x3xH2.5 m.

Material poliester që nuk depërton ujin, me përmasa 3x3m dhe lartësi 2,5 m. Struktura të jetë metalike dhe e mbrojtur për kushte atmosferike të jashtme. Tubat e profilit të kornizës me diametër jo më të vogël se 2,8 cm dhe të paloset.

- Artikulli **Nr.37 Gazebo**, metalike/poliester që nuk e depërton ujin, **ngjyrë jeshile**, e hapur me përmasa 3x3xH 2.5 m.

Material poliester që nuk depërton ujin, me përmasa 3x3m dhe lartësi 2,5 m. Struktura të jetë metalike dhe e mbrojtur për kushte atmosferike të jashtme. Tubat e profilit të kornizës me diametër jo më të vogël se 2,8 cm dhe të paloset.

- Artikulli **Nr.38 Letër karton tabakë me ngjyra**
Në format tabakë, me ngjyra të ndryshme, përmasa 50x70cm.
- Artikulli **Nr.39 Letër karton tabakë me ngjyra**
Në format tabakë, me ngjyra të ndryshme, përmasa 70x100cm.
- Artikulli **Nr.40 Lëkundëse me varje, pambuk dhe poliester, me ngjyra të ndryshme**



- Artikulli **Nr.41 Dyshekë për paleta**, me përmasa **100x120 cm**
Dyshekë për t'u vendosur mbi paleta, me përmasa 100x120 cm, material sfungjer i presuar me veshje copë poliester që nuk e mban ujin me ngjyra të ndryshme

- Transporti i mallrave, përfshirë ngarkim – shkarkimin në magazinë do realizohet me mjetet dhe personelin e firmës kontraktuese .
- Para nënshkrimit të kontratës dhe fillimit të afateve të ankimimit për të kontrolluar cilësinë e produkteve dhe nëse i përmbushin specifikimet teknike OE i shpallur fitues do të sjellë mostër pranë AK artikujt si më poshtë:

- Artikulli **Nr 07** - Tabelë shahu 40 x 40 cm, material prej druri
- Artikulli **Nr 16** - Medaljon për vendin e parë
- Artikulli **Nr 31** - Qylyma (shtroje methurje) outdoor për ulje (70cm x 100 cm)

Në respekt të nenit 36, të Ligjit Nr. 162, datë 23.12.2020 “Për prokurimin publik”, në të gjithë rastet në kur dokumentet e tenderit përmendet “markë” përfshihet termi “ose ekuivalenti i tij/saj”.